

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNI SUD U NOVOM TRAVNIKU
Broj: 51 0 K 164090 25 Kžk
Novi Travnik, 09.03.2026. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudaca Vesna Vujica predsjednica vijeća, Lazarela Porić i Darmin Avdić, članovi vijeća, uz sudjelovanje Samre Šiljak kao zapisničara, u kaznenom predmetu protiv optuženog A. T. zbog kaznenog djela Nasilničko ponašanje iz članka 362. stavak 1. Kaznenog zakona Federacije Bosne i Hercegovine u vezi sa člankom 31. istog zakona i kaznenog djela Oštećenje tuđe stvari iz članka 293. stavak 1. Kaznenog zakona Federacije Bosne i Hercegovine u vezi sa člankom 31. istog zakona po optužnici kantonalnog tužitelja Kantonalnog tužiteljstva Travnik broj: T06 0 KT 0025991 19 od 30.09.2019.godine nakon održanog pretresa pred apelacionim vijećem dana 04.03.2026. godine u nazočnosti kantonalnog tužitelja Nedžada Islamović, optuženog A. T. i branitelja optuženog Emira Burak, advokata iz Travnika, po obavljenom vijećanju i glasanju donio je dana 09.03.2026. godine, te u odsutnosti uredno obavještenog optuženog, branitelja optuženog i kantonalnog tužitelja, javno objavio slijedeću:

PRESUDU

Optuženi:

A. T., sin F. i majke H., djev. T., rođen godine u mjestu O., Općina N. T., nastanjen na adresi O., Općina N. T., pismen sa završenom SSS, mašinski tehničar, oženjen, otac dvoje djece, Bošnjak, državljanin BiH, JMBG; ..., neosuđivan.

Na temelju odredbe članka 299. stavak 1. točka c). Zakona o kaznenom postupku Federacije Bosne i Hercegovine

OSLOBAĐA SE OD OPTUŽBE

Da je:

Dana 29.06.2019.godine oko 10,00 sati u mjestu O., općina N. T., grubim vrijeđanjem i nasiljem prema drugom ugrozio građanski mir, te ošteti tuđu stvar, na način da je dovezavši se traktorom za koji je bila zakačena grabilica sijena do dvorišta kuće V. T., u namjeri da odšteti tuđu stvari krećući se naprijed nazad ošteti četiri metalna stuba, kojima je V. ogradio svoje dvorište, te je tom prilikom A. T. koji ga je zajedno sa svojim ocem V. T. pokušao spriječiti u navedenim radnjama, najvjerojatnije mašinom grabilicom, koja je bila u pokretu, nanio tjelesne ozljede u vidu ogrebotina u predjelu potkoljenica i ruku, te u predjelu desnoga ramena, i oštećenom V. T., također tjelesne ozljede u vidu ogrebotina u predjelu potkoljenica i ruku, kao i desnoga ramena, a tokom čitavog događaja upućivao uvrede i psovke oštećenom i članovima njegove porodice.

Čime da bi počinio kazneno djelo Nasilničko ponašanje iz članka 362. stavak 1. Kaznenog zakona Federacije Bosne i Hercegovine i kazneno djelo Oštećenje tuđe stvari iz članka 293. stavak 1. Kaznenog zakona Federacije Bosne i Hercegovine.

Na temelju članka 212. Zakona o kaznenom postupku Federacije Bosne i Hercegovine oštećeni A. Tatar i V. T., se sa imovinsko pravnim zahtjevom upućuju na parnični postupak.

Na temelju članka 203. stavak 1. Zakona o kaznenom postupku Federacije Bosne i Hercegovine troškovi kaznenog postupka iz članka 199. stavak 2. točke od a) do f) istog zakona, kao i nužni izdaci optuženog i nužni izdaci i nagrada branitelja, padaju na teret budžetskih sredstava.

U skladu sa odredbom članka 301. stavak 2. Zakona o kaznenom postupku Federacije BiH predsjednica vijeća je ukratko izložila odluku.

Zapisničar
Samra Šiljak

Predsjednica vijeća
Vesna Vujica

